



## **Nukissiorfiit pisortaanut saaffiginnissut pillugu § 36 naapertorlugu apeqqut pillugu akissut**

Asasara Malik!

Inatsisartut Suleriaasianni § 36, imm. 1 naapertorlugu apeqqutit Naalakkersuisut tigusimavaat.

### **Apeqqut:**

”Nukissiorfiit pisortaata avammut oqaaseqaqqusaajunnaarsitaasimanera Naalakkersuisut Siulittaasuata ilisimasaqarfiginerlugu? Namminersorlutik Oqartussat suliffeqarfiutaannut paasisassarsiorniaraanni Naalakkersuisut apereqqaarneqartarnissaat nalinginnaasuunerluni? Taamaattoqarsimappat qanga aalajangersagaq atuutilersimava?

Naggataatigut apeqqutigerusuppara Royal Greenland imaluunniit Kalaallit Nunaata Radioa paasisassarsioriginiarlugit pulaassagukkit kina Naalakkersuisuni aperissavara?”.

### **Akissut:**

Aallarniutigalugu apeqqutinnut qujarusuppunga suliassani taamaattuni suleriaaseq qanoq ittoq atorneqartarnersoq erseqqissaanissannut periarfissimmannga.

Nukissiorfiit suliffeqarfiuvoq imminut ingerlattoq. Suliffeqarfiit imminut ingerlattut Naalakkersuisunut attuumassuteqarnerat aaqqissuussaanermikkut Namminersorlutik Oqartussat aaqqissuussaaneratut ilaattut ippoq. Suliffeqarfiit imminut ingerlattut sinniisoqartitaallutik pisinnaatitaaffiligaanermikkut ingerlatsinermi suliassat immikkut ittut ingerlatsinermut suliassat isumagissassarivaat. Suliffeqarfiit imminut ingerlattut ingerlatsinermi oqartussaaffeqarput aaqqissuussaanermi Naalakkersuisoqarfiup aamma

Naalackersuisut ataanniillutik. Taamaattumik suliffeqarfik imminut ingerlattoq Aqutsisoqarfiit ilaattut taasariaqarluni.

Taamaattumik Nukissiorfinni pisortatut atorfik Aqutsisoqarfimmi pisortamut nallersuunneqarsinnaavoq taamaalillunilu Namminersorlutik Oqartussat atorfilittaannut ilaatinneqarluni. Inatsisartuni ilaasorta q paasissutissanik kissaateqarpat ataatsimiinnissamilluunniit atorfilittanit peqataaffigineqartussamik nalinginnaasuuvoq saaffiginnissutip suliassaqarfimmi akisussaasuusooq Naalackersuisunut ilaasorta q aqqutigalugu ingerlanneqarnissaa.

Taamaattumik Naalackersuisup suliassaqarfimmut akisussaasuusup akisussaaffimminik isumaginnissinnaanissaa qulakkeerniarlugu suliassaqarfiup iluani paasissutissat aalajangiiniarnerpassuarni ilaasut ingerlaavartumik ataqatigiissaarneqartarput. Taamaattumik pingaartuuvoq allakkat uppersaasat, nalunaarusiat, allakkat akissutit il.il. suliassaqarfimmiit ingerlateqqinneqannginneranni pitsaassusii qulakkeerneqaaqarnissaat.

Tamanna suliffeqarfiup iluani taamatut ingerlatseriaaseq ilaatigut aqqissuunneqarpoq Inatsisartut pitsaanerpaamik sullinneqarnissaat qulakkeerniarlugu, tassa imaappoq paasissutissat sapinngisamik pitsaassusillit. Taamaaliornikkut Inatsisartut aalajangiinissaannut tunngavissaat pitsaanerpaaq qulakkeerneqassaaq.

Taamaattumik erseqqissassavara illit Inatsisartuni ilaasortatut paasissutissat sulluunniit pissarsiarerusutatit qaqugukkulluunniit pissarsiarisinnaagitit. Nukissiorfinnut saaffiginnissutit aamma taamatut najoqqutassaqarpoq, soorlu allaffissuarmi immikkoortunut allanut saaffiginnikkuit taamaattoq.

Ammattaq erseqqissarusuppara kinaluunniit ”oqaaseqaaqusaajunnaarsitaasimangimmat”. Matumani pineqarpoq suliassani taamaattuni periuseq nalinginnaasooq, tassalu Naalackersuisunut ilaasorta q aperineqartarnera suliassaqarfiisa ilaaniittumut ingerlatsinermi oqartussaaffimmut saaffiginnissutini.

Aktiaateqarluni ingerlatseqatigiiffiit tamakkiisumik ilaannakortumilluunniit Namminersorlutik Oqartussanit pigineqartut, soorlu assersuutigalugu Royal Greenland A/S, Inatsisartunut ilaasortat soorunami killilersugaannginnerupput taakku siulersuisui pisorta qarfialu attaviginiarneranni, tassa aktiaateqarluni ingerlatseqatigiiffiit nammineersut taakku suliffeqarfimmit imminnut ingerlattunit nammineernerullutik

ingerlammata. Tamanna aamma atuuppoq suliffeqarfinnut nammineq ingerlattunut, soorlu Kalaallit Nunaata Radioa nammineq siulersuisoqarlunilu pisortaqarfeqartoq.

Naalackersuisut siuluttaasua sinnerlugu

Ove Karl Berthelsen